

玩法不遵軍民之家借用渾金織成衣服室
石廂成首飾僧道俱着紵絲綾羅指揮亦用
麒麟綉補等因合無出榜禁約但有前項僭
越之徒在京本院行令巡城御史督令五城
兵馬及錦衣衛坐城官校在外行巡按御史
按察司緝拿問罪重加懲治違禁衣服首飾
等物入官婦人有犯罪坐家長夫男等因奏
奉

聖旨是風俗奢侈世害治道禮部備榜嚴加禁約犯了着
實懲治不饒欽此

申明禁奢侈服用縱容犯奸例

弘治二年三月十二日都察院右都御史屠
等題為陳言特政事該南京錦衣衛帶俸閑
住指揮僉事吳綬奏六日調度財用天下所
生之財在農在商天下所產可足天下之用
官少民多貴少賤多而服力者衆生財自廣
近年軍民官員較於洪武年間武職已增百
倍其歲支俸祿亦支消百倍一設文職亦增
三倍皂隸錢馬夫人役取利尤多政事不增
於前俸祿有加於昔此其公取於在官者也
其私取科擾比前又加數倍官員既多富盛
相尚奢侈費用強勉相習天地之間水土之利
古今無多寡官民所用奢侈無限極所以公

私積蓄皆虛但遇水旱卽至流移飢乏為今之計乞

勅法司着落巡按御史凡出巡地方禁奢從儉訪問奢者十倍追所奢物價加與遠重差役武職官員奢縱量罰俸給革去管事文職有犯降調遠方如此嚴禁庶可以少救額風復還正俗軍民有犯者一體追物仍加遠重差役陰積省費家給人足可立見也前件查得成化二十年十二月初六日該本院題該監察御史林誠奏為禁奢侈以需

國課該刑部查得成化七年正月初七日本部欽奉

憲宗皇帝聖旨近年京城風俗日見奢侈官員軍民人等之家衣服用度不有不遵定制婦女不分良

賤際用織金衣服寶石頭面婚姻喪娶僭侈無度一切酒席多用大樣簇盤糖饅餅餛至有等射利之徒專以販賣寶石為名臺臺價值取利肥己論這等情罪本難容今且不問總法司便出榜通行禁約今後官民人等衣服首飾各遵定制不許僭分凡遇嫁娶及置酒席悉從禮節不許競為奢麗一應舖戶人等並不許仍前販賣寶石及做大樣餅餛物件帶了的給事中御史指實糾率仍行錦衣衛分巡并五城兵馬緝拿送問違禁之物入官犯人輕則依律照例發落重則發邊遠充軍不饒欽此欽遵節該通行禁約外今監察御史林誠又奏前因緣前項事例行之已

久人心玩怠奢僭易生誠如本官所言合無
申明舊例西京本院出榜直隸浙江等處有
巡撫官處行巡撫官無巡撫處行各該巡按
御史出榜曉諭禁約官吏軍民人等服色各
要遵守欽奉榜例不許僭用如有所違兩京
許六科十三道及錦衣衛巡捕官五城兵馬
緝拿送官在外許里老鄰佑火甲人等赴官
首告追究明白違犯之人依律問罪依奉欽
聖上榜例發落違禁之物入官等因具題奉

憲宗皇帝聖旨准擬欽此欽遵又查得成化二十一年

正月初七日

詔書內一款在京官員軍民之家衣服飲食奢侈僭用不
無濫費財物禮部便查例出榜禁約欽此欽

遵節經通行出榜禁約外今吳綾奏稱近年
官員軍民相尚奢侈要將武職奢縱量罰俸
給革去管事文職有犯降調遠方軍民有犯
十倍追所奢物價仍加遠重差役比之欽奉
榜例又為稍輕况前項榜例

詔書行之未久難再覆奏但恐所司奉行未至以致奢靡
成風風俗日薄民難於食一遇災傷多有餓
餓合再通行兩京刑部及各處巡撫巡按嚴
加禁約如有前項違犯之人并文武職官有
犯應提問者提問如律應叅奏者叅

奏提問悉照前項奏行及

聖旨榜文內事理施行七曰清風俗乃彙倫之大要教化
之大經近年在京在外武職官舍軍民人等

嗜酒賭博以為常行妄求奢用以為美事因
此遊逸破家別無藝能無方取利以致多買
妻妾縱容為非敗壞倫禮苦逼良人化為倡
優耳以常人變為伶人自景泰年間至今日
增月盛南北直隸十三布政司府衛鎮市去
處多者聚有數千門少者不下數百人因奸
為盜不勝其多因到所住之處自知來不明
屈意奉承所在官司樂其趨有供給浸潤不
究所為之非不問所避之由反為親厚用為
門子快手機察馬夫等項名目出入衙門
害良善有此良賤不分淫風混染為今之計
勅令巡按御史查理前項文引窮妻女來歷正犯就彼充
軍婦女有主字家無主給配無妻軍民仍

究出販賣娼幼之徒一體充軍如此無賴無
逃避之所備所得軍餘之用官吏只知供給
親厚不知禮義廉恥廉恥既喪禮義必亡為
政早治則無患故息必有宮舍此決不可也
前件查得弘治元年十月十二日該刑
看得巡撫山東右僉都御史錢 奏稱
山東臨清張秋鎮等處地方有等無恥之徒
專賣良家子女一家二三口或四五口甚至
七八口在家稱為義女及妾色各彈唱接客
覓錢使用有傷風化及天下郡縣多有此風
要查在京見行事例行天下但有此等人犯
犯許諸人首告并應捕人訪拿到官初犯本
夫義父姦夫依律問罪照例枷號一箇月滿

日發落女子歸宗再犯本夫義父不分軍民
舍餘人等問罪畢日追連常房家小俱發邊
衛充軍一節緣南北二京并各處馬頭市鎮
處所人烟聚集客商往來姦淫之風積習已
久誠有如都御史錢 所議者若非嚴加禁
約何以扶持風化但所緣此等人犯再犯俱
發充軍似乎立法過嚴合無本部通行南京
刑部并山東等十三布政司南北直隸府分
南京行令五城兵馬司各布政司并直隸府
分各轉行所屬俱於人煙輳集去處出給告
示嚴加禁約省諭火甲人等詢訪地方果有
此等無藉之徒多買良家子女一二口以上
在家作妾及義女等項名色縱容與人通姦

覓錢使用者許限一箇月以裏首告改過自
新各務本等生理者免罪如是限內不首及
今後有犯者事發到官俱照在京見行事例
不分初犯再犯問罪畢日將本夫義父姦夫
俱枷號一箇月滿日照例發落地方火甲敢
有容留不首及軍民人等容止通姦者事發
一體問罪等因具題奉

聖旨是欽此
欽遵已經通行禁約外今吳綾又奏稱在京
在外武職官舍軍民人等多買妻妾縱容為
非要將正犯就行充軍婦女有主者寧家無
主者給配無妻軍民仍究出販賣媒妁之徒
一體充軍緣前項事例行之未久若將媒證
之人俱發充軍委的似乎太過但恐所在軍

衛有司巡捕火甲人等乘此事例不行禁革
又為詐錢之計人不知悞益致風俗不悖誠
為新政之累合再通行南北兩京巡城御史
并五城兵馬司及各該巡按御史按察司分
巡官各行所屬府州縣嚴加禁約逐門查訪
果有此等之徒行拿到官務要依律問罪照
例枷號滿日發落其所買婦女當給主者給
主若有容留不首及容止為姦并開店之家
一體究問如律照例施行如此則法令昭明
而民俗歸厚矣

禁約軍民并婦女人等胡服胡語初犯
照常發落再行枷號匠作一體治罪

弘治四年正月二十六日刑部尚書何 等
題為禁治異服異言事浙江清吏司案呈奉
本部送刑科抄出該本部題切見近年以來
京城內外軍民男婦每遇冬寒男子率用貂
狐之皮製尖頂捲簷帽謂之胡帽婦女率以
貂皮作覆額披肩謂之昭君帽又去冬今春
童男童女在街嬉戲聚談罵詈不作中華正
音字成一種烏獸音聲含糊呶呶莫便字義
謂之打狗心傳聞北直隸各府及山東山西
河南陝西地方互相倣效亦有此習夫胡帽
昭君帽之制皆胡服也打狗心之謔是胡語